



AM

PROGRAM 'INI WARISAN KITA', PERKUKUH WADAH PERPADUAN MELALUI KHAZANAH WARISAN NEGARA



KEMENTERIAN PERPADUAN NEGARA

09/07/2023 04:56 PM

ADVERTISEMENT

PUTRAJAYA, 9 Julai (Bernama) – Program 'Ini Warisan Kita' anjuran Kementerian Perpaduan Negara (KPN) adalah platform memperkukuh wadah perpaduan dalam kalangan rakyat Malaysia melalui khazanah warisan negara.

Program bertemakan "Melestarikan Perpaduan" yang diadakan selama tiga hari sejak Jumaat lepas di sebuah pusat membeli-belah di sini, dirasmikan Menteri Perpaduan Negara Datuk Aaron Ago Dagang hari ini.

KPN memaklumkan program itu bertepatan dengan hasrat kerajaan dalam membangun Malaysia MADANI yang menerapkan elemen hormat menghormati serta menjadikan warisan sebagai salah platform pengukuhan perpaduan dalam kalangan rakyat Malaysia.



"Objektif utama penganjuran program 'Ini Warisan Kita' adalah bagi melestarikan perpaduan dengan meningkatkan pe
masyarakat pelbagai kaum tentang khazanah warisan negara ini," menurut KPN dalam kenyataan hari ini.

Menurut KPN antara pengisian utama program 'Ini Warisan Kita' adalah pameran rumah etnik seperti Chetti, Baba Nyonya
menampilkan kepelbagaian aktiviti seperti seni tari, busana, makanan tradisi, dan hasil kraftangan.

Selain itu, terdapat persembahan kebudayaan yang berunsurkan silang budaya serta naskhah-naskhah warisan yang menjadi khazanah berharga negara dipamerkan

Bagi menggalakkan penglibatan lebih banyak pihak menyertai program 'Ini Warisan Kita', KPN memaklumkan pihaknya turut menawarkan insentif berbentuk geran sehingga RM50,000 tertakluk kepada terma dan syarat yang telah ditetapkan.

"Fokus utama pelaksanaan program di bawah insentif ini adalah meliputi bidang kepelbagaian etnik, bahasa, permainan tradisional, adat resam, makanan serta kesenian dan alat muzik tradisional," katanya.

KPN turut memperkenalkan beberapa inisiatif lain di bawah Ini Warisan Kita antaranya program 'Nostalgia Anak Kampung' yang mengembalikan semula sukan tradisional rakyat untuk dijadikan aktiviti masyarakat kini khususnya dalam kalangan anak muda.

-- BERNAMA

BERNAMA menyediakan informasi dan berita terkini yang sahih dan komprehensif yang disebarkan melalui Wires BERNAMA; www.bernama.com; BERNAMA TV di saluran Astro 502, unifi TV 631 dan MYTV 121 IFLIX dan Radio BERNAMA di frekuensi FM93.9 (Lembah Klang), FM107.5 (Johor), FM107.9 (Kota Kinabalu) dan RM100.9 (Kuching).

Ikuti kami di media sosial :

Facebook : [@bernamaofficial](#), [@bernamatv](#), [@bernamaradio](#)


Twitter : [@bernama.com](#), [@BernamaTV](#), [@bernamaradio](#)

Instagram : [@bernamaofficial](#), [@bernamatvofficial](#), [@bernamaradioofficial](#)


TikTok : [@bernamaofficial](#)

ADVERTISEMENT

PediaSure 10+ | Meet You...



PediaSure 10+
Teens aged 10-17 years old have chance to catch up on growth! W 38 key growth nutrients in PediaS come together to help your teen their optimum height



Kata Kunci

kpn ini warisan kita malaysia tradisional warisan

Berita Berkaitan



RAKYAT MALAYSIA TERKANDAS DI WILAYAH INDIA YANG DILANDA BANJIR SELAMAT - WISMA PUTRA